



Isalathiso: 20181126-9124

Inombolo yefayili: 12/2/10/3

Imibuzo: M Wiese

INGcaciso eMfutshane yeCandelo loLawulo loLwazi neNgcaciso: 0001/2019

Iya: KuBalawuli abaziiNtloko, kuBalawuli (kwaNdlunkulu nakwii-ofisi zezithili), kuBaphathi beeSekethe nakwiNqununu zezikolo zikarhulumente eziqhelekileyo nezezikolo ezizimeleyo

Isihloko: ISaveyi eQuphayo (SNAP Survey) ka-2019 yeSebe leMfundo leNtshona Koloni yezikolo zikarhulumente eziqhelekileyo nezikolo ezizimeleyo

1. ISaveyi eQuphayo (SNAP Survey) yezikolo zikarhulumente eziqhelekileyo neyezikolo ezizimeleyo iya kusetyenziselwa ukulawulwa nokuphathwa kwezikolo, kwakunye nokukhutshwa kwezibonelelo (*resources*) ukulungiselela u-2019.
2. ISaveyi eQuphayo mayizaliswe yaye mayisayinelwe yinqununu kwiCEMIS ungadlulanga owe-**22 Januwari 2019** (usuku lweshumi lwesikolo).
3. Phambi kokusayinelwa kwayo kwiCEMIS, inqununu okanye lowo kudluliselwe kuye amagunya, makaqinisekise oku kulandelayo:
 - a) Bonke abafundi ababhalsiweyo nabahamba isikolo ngo-2019 mabavele kwibakala nakwiklasi echanekileyo yabo kwiCEMIS;
 - b) Nawuphi na umfundi obelindeleke ukuba abuyele esikolweni, kodwa akafika esikolweni sakho kwade kwadlula owe-22 Januwari 2019 ukuza kubhalisa, makakhutshwe ezincwadini ngokungqinelana nomgaqo-nkqubo wokuhamba isikolo kwabafundi. (Aba bafundi banokubhaliswa kwakhona kwiCEMIS ukuba beza kubhalisela ukwamkelwa esikolweni emva kowe-22 Januwari 2019.);
 - c) Ilisti yootitshala abakwiCEMIS mayihlaziye yaye ingqinisiswe, ungadlulanga owe-22 Januwari 2019, yaye kungqinisiswe nemeko yokuqeshwa kwabo kwiCEMIS.
 - d) Icandelo lokusayinelwa kwesaveyi malizaliswe ukuvuma ukungqinisiswa kwedatha njengebonakalisa ngokuchanekileyo inani lobhaliso labafundi nenani labasebenzi (*staff*) ngowe-22 Januwari 2019
4. Ukuncedisa ukungqinisiswa kwedatha yabafundi nootitshala bakho, kukho iqela leengxelo zeemposiso (*error reports*) ezifumanekayo eziya kukhokela ukuchaneka kwedatha ekhoyo efakwe kwiCEMIS.

5. Kucelwa niqinisekise ukuba zonke iimposiso eziboniswe zezi ngxelo ziyasonjululwa phambi kokuba zisayinelwe iingxelo.
6. Emva kokusayinelwa kwazo yinqununu ngowe-22 Januwari 2019, kuya kwenziwa inkcazo enika umfanekiso (*snapshot*) wayo yonke idatha yabafundi nootitshala yaye iimposiso ezenzekileyo mazisonjululwe kwangaphambi kokusayinelwa kwedatha ngumphathi wesekethe ngowe-28 Januwari 2019.
7. Umhla omisiweyo kubaphathi beesekethe wokusayinelwa kwedatha yeSaveyi eQuphayo ngowe-**28 Januwari 2019**. Umphathi wesekethe uya kucelwa ukuba ayibeke esweni inkqubo yaye akayi kubanako ukuyisayinela ii-datasets zesaveyi ukuba kusekho iimposiso ezikhoyo nalapho ootitshala bengekazisayineli iisaveyi zeSNAP zazo.
8. Kunyanzelekile ukusetyenziswa kwenombolo yesazisi kazwelonke (*national identity number*) ngabo bonke abafundi kuzo zonke iisistim zolawulo nokuphathwa kwezikolo ezikwikhompuyutha. Ikho ingxelo yeCEMIS efumanekayo ukuqaphela abafundi abangenazinombolo zezazisi nokulungiselela ukufakwa ekhompuyutheni kweenombolo zezazisi ezingekhoyo. Ukuba umfundi akanayo inombolo yesazisi evunyiweyo (*valid identity number*), makucetyiswe umzali ngenkqubo yokwenza isicelo sesazisi kwiSebe leMicimbi yezeKhaya. Kucelwa iinqununu zibancedise abazali apho kunokwenzeka, ukuququzelela le nkqubo kwiSebe leMicimbi yezeKhaya. Makufundwe iNgcaciso eMfutshane yeCandelo loCwangciso loLawulo noKuphathwa kwamaZiko 0005/2014 ukufumana ingcaciso engaphezulu.
9. Apho kuye kwakho naziphi na iingxaki ekuzalisweni kwale saveyi, niyacelwa niqhagamshelane nomphathi wesekethe ochaphazelekayo okanye negosa lesithili elidweliswe apha ngezantsi:

ISITHILI	UMLAWULI WESITHILI WE-CEMIS	INOMBOLO YEFONI	I-IMEYILI
Metro North	Masixole Stofile	021 938 3052	Masixole.Stofile@westerncape.gov.za
Metro Central	Anita McGrath Tercia Southgate	021 514 6751 021 514 6737	anita.mcgrath@westerncape.gov.za tercia.southgate@westerncape.gov.za
Metro South	Anastasia Rose Sive Jara	021 370 2120 021 370 2106	anastasia.rose@westerncape.gov.za sive.jara@westerncape.gov.za
Metro East	Buseka Ndinisa Thembeke Dlamini	021 900 7053 021 900 7011	buseka.ndinisa@westerncape.gov.za thembeke.dlamini@westerncape.gov.za
West Coast	Mervan Davids	021 860 1596	mervan.davids@westerncape.gov.za
Cape Winelands	Kevin Van Eeden	023 348 4633	kevin.vaneeden@westerncape.gov.za
Overberg	Suzanne Braaf	028 214 7411	suzanne.braaf@westerncape.gov.za
Eden & Central Karoo	Romelda Booyesen Keith Zibi	044 803 8367 044 803 8346	romelda.booyesen@westerncape.gov.za keith.zibi@westerncape.gov.za

10. Umgangatho wedatha ye-EMIS uya kuqhagamshelaniswa neentlawulo zemimiselo nemigangatho ezenziwe ngoomatshini (*norms and standards transfer payments*). Iingxelo zokuthotyelwa kwemigaqo yedatha ye-EMIS (*EMIS data compliance reports*) ziya kufumaneka kwiinqununu ngokungena kwiCEMIS. Iinqununu zimele ukuququzelela iinkqubo zeSaveyi yeSNAP ukuqinisekisa ukuchaneka kwedatha efakiweyo, nokugqitywa ngexesha kwanokusayinelwa kwayo ngokunjalo.
11. Ngethuba lakutshanje le-*Education Data Quality Audit (EDQA)* eyenziwa kwikota 2 ka-2018, kwagxininiswa ukuba izikolo azizigcini iirekhodi ezichanekileyo. Ngenxa yeso sizathu iCandelo loLwazi neNgcaciso liya kubeka esweni ukuthotyelwa kwale nkqubo nomgangatho wedatha engenisiweyo yeSaveyi yeSNAP (*SNAP Survey submissions*) yaye liya kunika ingxelo ngako konke ukungathotyelwa kwale nkqubo, ukungangqinelani nokungapheleli kwayo idatha kwiNtloko yeSebe leMfundo (*HoD*).
12. Ziyakhunjuzwa izikolo ezizimeleyo eziqhelekileyo ukuba zibe nolwazi ngemimiselo yobhaliso yazo. Makuqatshelwe ukuba ukulandela mbo iimfuno zedatha zeSebe iWCED kuyinxalenye yale mimiselo yaye ukungathotyelwa kwayo kunokukhokelela ekubeni izikolo zikhutshwe ezincwadini.
13. ISebe leMfundo leNtshona Koloni liyalithakazelela igalelo nokuzimisela kwawo onke amagosa ezemfundo yaye liyijonge ngethemba intsebenziswano yenu eqhubeka okoko ngo-2019.

ISAYINWE: NGU-MS ABRAHAMS

USEKELA MLAWULI-JIKELELE OBAMBELEYO WOCWANGCISO LWEZEMFUNDO

UMHLA: 2018-12-19